

三怡堂叢書

菱谿詩集

三八

三才圖會

卷之四

七

雍邱何奭光著

菱谿詩集

後學蔣藩書



丙寅孟夏初吉

河南官書局刊

何叔獻詩序

勝國時崇禎癸未試禮闈余獲隨中州何大次太史後乘步趨長安道上稱相得無何寇陷都城大次死之余亦飄零吳越垂四十五年而後還蜀今五十有二年矣壬申春旂山舍弟令於葉余復驅車宛上迴歷楚豫間尋問曩時同籍諸子如煙雲變滅無有存者爲歛獻久之閱一歲大次之弟次仲以邑訓至葉握手道舊如見大次焉再一歲次仲之弟叔獻又以省兄至葉余諦視之皆龐眉皓髮氣宇端嚴不獨如見大次且如見當年冠裳劍佩之盛不自知其興懷而隕涕也嗟乎以何氏兄若弟之品之才楚楚

然盡廟堂選而卒以華門饗舍老豈非時爲之哉雖然人生地上寓也卽白首鼎鉉其與幾何亦顧所自立耳叔獻將歸杞遺余楞園游燕二集且命之序余惟叔獻好學深思探濂洛之秘善詩歌好爲古文辭杞邑新志悉出手訂其大概也今讀其詩典雅清逸具開元大曆之風可謂以言自立矣石室名山垂之不朽夫何疑余方處家弟之變心亂神瘁不能構一言以重三都姑記兩年來遇合之緣聊以紓五十二年離索之憾序云乎哉感慨係之矣

康熙甲戌秋晚西蜀年家弟呂潛頓首拜題

菱谿詩集卷之一

武林嚴沆顥亭先生 雍丘何彝光叔獻著

博浪趙賓錦帆先生 選 同里孔延禪燕貽校

隴頭水

飛流經隴阪今古斷腸聲
九折關河地十年雨雪情
鐵衣眠塞草蘆管出邊城
聽盡潺湲水何時洗漢兵
錦帆云通篇新警○
顥亭云結句沉着
久戍之情如訴

關山月

漢月關門迴聞中
萬里愁影搖青海
浪輪轉白榆
秋兔魄寒刁斗蟾輝冷
敝裘軍書方苦戰
須照黑山頭
錦帆云丁寧語翻舜

澤案○顯亭云
通篇氣象森肅

折楊柳

二月垂楊樹春光一半過絲長牽恨遠條缺贈行多粉蝶
枝頭墜流鶯葉底歌玉闌消息斷攀折竟如何

梅花落

春寒珠箔捲飛雪滿中庭不是飛來雪梅花一夜零

椒史云四

句一氣警
脫絕倫

殘香飄綺席細萼散疏櫺落盡牕前樹君從笛

裏聽

結韵
悠然

長門怨

履跡長門斷君王寵漸移年華覽鏡惜心事捲簾知晝寢

銅蠡靜宵啼玉筋垂

賦細

相如作賦客仍聽白頭辭

用意甚別

明妃曲

琵琶千載恨紛淚落邊塵徒有和親策
應悲遠嫁人
瘞煙青塚月歌管漢宮春
金屋君王意嬋娟命不辰

回護得體

長信怨

班姬勤擣素漢主愛投壺飛燕方同輦
蛾眉且向隅螢光秋殿冷
扇影月輪孤佳句借問椒房監皇孫
啄刺無椒史云眼最得風人微言含蓄無

銅雀妓

西陵餘霸氣幃帳已蕭條
落日銅臺上如聞吹玉簫
艷歌

傳舊曲遺令隔重宵侍寢先朝妓休言鎖二喬南董之筆奸雄胆落

馬嵬

淒涼天寶事龍馭此停鑾古驛無燈火新粧取次看當年實境

瘞香金翠冷埋骨玉脂寒薄命紅顏分君王蜀道難顯亭云怨而不怒

俠客行

玉勒青驄馬長安遊俠郎光芒衣袖裏匕首迴含霜挾彈

千門側輸金六博塲報雠思飲血佯醉酒饅餬俠情如畫○以上數

首雖係舊題能出新緒非胸具全史者不能道隻字

汴京懷古

炎宋鴻圖久寂寥
蘆笳哀咽起中宵
翠華人去辭梁苑
蜀幕魂歸繞汴橋
警切殿廢狐鳴深洞口
樓空月轉女牆腰
浸將陳跡傷前代
城闕曾驚萬馬潮
壬午寇決黃河汴城淪陷○從來汴諸作當推此爲擅場

艮嶽

昔年艮嶽此孤亭
細草依然輦路青
花石遠尋滄海貢
龍蛇難辨侍臣銘
寒沙白骨金人壘
雨夜黃冠宋帝靈
惟有西風隔浦笛
暮天愁絕倚樓聽
通篇工緻

石塘尹節婦歌

爲長葛尹孟誠賦

機槍曾照梁分野
中原萬堞如崩瓦
封豕長蛇捲地來
鴉

噪骷體血飲馬崩雷怒矢石堙城家家羅綺斷腸聲元直
未歸阿母泣携男聊作路旁行千羣鐵騎明如練掩映紅
粧搖歌扇貞心不步蔡琰塵一時母子同飛電故園煙樹
久迷離荒塚淒涼人不知艱難未遂保赤願慷慨空傳絕
命詞釣臺使者江南沈新詩句句都如錦採風按入絃索
間能使冰霜至今凜精衛填溟去不回杜鵑啼血臨荒臺
填窮滄海流空血化爲春草雨中來

錦帆云通篇警
切饒有餘味

題重修觀音寺壁

十年烽火舊花宮金界重開寶殿雄
祗樹風搖秋露裏僧
房人老磬聲中

二語
清脫

碑存蟲鼠千年古鏡轉琉璃萬象空

繫馬禪門徒竚立擬將生滅問休公

行經玉帳

祀北十里相傳漢高帝駐蹕處

柳遶長河水面齊行人恰溯水邊隄六龍不駐金符杳獨
鳥偏尋玉帳啼對法流動漢碣雨餘荒蘚合秦雲風捲暮天低
由來興廢都如此惆悵亭亭日向西

過汴廢藩宮殿遺址

明周藩

十年征戰後幾到故宮西

錦帆云起便悽然

畫閣停簫管朱門沸

鼓鼙頽垣叢桂發深院綠篁齊

切藩邸

惆悵王孫草青青沒

馬蹄

五馬爲龍識何期事已非金鞭從此折玉輦罷西歸

顯亭云用

事確切足人俯仰

麋鹿遊荒徑蒹葭隱釣磯綺樓雙燕子春到傍

誰飛

一作居然少陵

過上洛郡王舊宅

桂郎今茅舍人傳上洛名牆花牽客袂谷鳥學歌聲未得爲毛遂常聞薦賈生鄰家吹暮笛鳴咽不勝情

題信陵君祠

蔓草思公子丹青有舊門

錦帆云起得渾淪悲愴一氣注下

我來空灑淚

誰解賦招魂鴉噪將軍樹人語國士恩

精切

惟餘三尺劍寂

寞掛黃昏

題相國廢寺

流寇決河汴京淪陷寺爲水壅

瓦礫前朝寺相傳至正年晨鐘客始到池水月空懸鮫室
圍青草龍湫漫講筵畫梁低著地何處覓諸天

永日禪門閉河流盪劫灰佛因巢鵲壤僧是結蘆來
椒史云用
切字確碑有苔花繡經無貝葉裁污泥真不染還認舊蓮臺

題新修明遠樓

舊是梁王苑鄒枚此地遊廿年餘破壁昭代起高樓
四句一氣

檻入玻璃影隱涵蟋蟀秋
茂秦警句
金風初獻賦冠蓋滿中州

題汴城東門樓

張中丞康熙元年新建

畫棟千尋起嚴城百雉高河山人廣座千羽俯空壕月裏

聞清嘯風中試寶刀前星方出震勲業在龍韜
椒史云高華壯麗大

雅之音之

鼓樓

鐘樓爲郎中丞所毀

鐘鼓樓元並雄雌一旦分孤標存勝槩十丈入寒雲慷慨
漁陽調淒涼武穆軍登臨無限淚一洒信陵墳

語語沉著

繁臺秋望

古吹臺

高臺焚劫後臨眺復清秋雞犬纔三戶蒿萊自一丘長隄
濤泛泛落日鬼啾啾斷碣遺文蝕看題淚暗流
浮沉七百載北地有雄風臺榭追遊裏衣冠悵望中翻書
塔院靜燒燭佛堂紅盛事今搖落饑烏散井桐

鐵塔

明周藩建

錢色浮屠峻登臨憶往年聳身瞻岱華回首俯郊廓水鶴
巢珠頂天河巨法蓮名藩薦福地時見雨花禪

夷門

落日城頭望夷山無復存黃流奔萬馬白骨散千村勲業
歸公子饑寒老監門狹斜遇知己風雪一開樽

何等胸次
何等眼目

梁園值雪

時總制劉
公入汴

高樓北望雪紛紛紫塞飛來雁幾羣

顯亭云二語
亢爽可誦

十做貂

裘蘇季子孤墳蔓草信陵君

以實對虛

寒爐悶撥今宵火破壁

煙生古樹雲

警句

昨日嫖姚新賜第滿城笳鼓奏斜曛

是日制臺

履任